

# Kërkesë për Shprehje të Interesit

Shteti: Kosovë

ID e projektit: P164555

Emri i kredisë së Bankës Botërore: Projekti i Kadastrit të Pronës së Paluajtshme & Infrastrukturës Gjeohapësinore

Nr. identifikues i kontratës: XK-KCA-377069-CS-INDV

## Specialist i GIS-it për Sistemin e Adresave

### Historiku

Qeveria e Kosovës (QK) ka marrë një Kredi nga Shoqata Ndërkombëtare për Zhvillim (IDA) në vlerë prej 14.60 milion EUR për të financuar Projektin e Kadastrit të Pronës së Paluajtshme & Infrastrukturës Gjeohapësinore, që pritet të zbatohet brenda një periudhe pesëvjeçare. Projekti i propozuar synon të ndihmojë Qeverinë e Kosovës që të rrisë transparencën dhe cilësinë e administrimit të tokës dhe të dhënave dhe shërbimeve gjeohapësinore. Agjencia Kadastrale e Kosovës (AKK) është agjencia zbatuese për projektin REGIP, brenda së cilës do të krijohet Njësia për Implementimin e Projektit (NjIP).

Komponenti C: *Teknologjia e Informacionit dhe Infrastruktura Gjeohapësinore*. Qëllimi i këtij komponentit është të mbështesë zbatimin e Strategjisë së Teknologjisë Informative të AKK-së dhe Strategjisë së Infrastrukturës Kombëtare të Informacionit Hapësinor (IKIH) në Republikën e Kosovës të cilat janë zhvilluar në kuadër të projektit për Regjistrimin e Pronës së Paluajtshme në Kadastër (RECAP). Të dy dokumentet e strategjisë tregojnë vizionin për: (a) thjeshtimin e mëtejshëm të proceseve të punës, (b) rritjen e standardizimit të informacionit dhe qasjen në informacion që do të përmirësonte efikasitetin e stafit dhe zyrave, (c) rritjen e transparencës dhe llogaridhënies; (d) qasjen e barabartë në informacion; (e) ngritjen e përdorimit të informacionit dhe shërbimeve gjeohapësinore për zhvillimin e produkteve dhe shërbimeve të reja; dhe (f) minimizimin e mundësive për praktika korruptive.

Një nga aktivitetet kryesore në kuadër të Komponentit C është kompletimi i Sistemit të Adresave në Kosovë. Ky aktivitet përfshin kompletimin e caktimit të adresave të ndërtesave, sinjalizimin e emrave të rrugëve dhe numrave të shtëpive dhe regjistrimin e të dhënave përkatëse në Regjistrin qendror të Adresave (ARIS). Ky aktivitet do të zbatohet me angazhimin e përbashkët të AKK-së dhe komunave.

Komunat, e monitoruara nga AKK, do të jenë përgjegjëse në përgjithësi për kompletimin e projektit të Sistemit të Adresave dhe do të kryejnë menaxhimin e përgjithshëm të projektit.

Për realizimin e Projektit të Kompletimit të Adresave, Njësia e Adresave në AKK duhet të forcohet me një specialist të GIS-it, i cili do të caktohet për të mbështetur kontrollin e cilësisë së aktiviteteve për Projektin e Sistemit të Adresave.

## **Objektivi i përgjithshëm**

Specialisti do të jetë përgjegjës për mbështetjen e AKK-së dhe komunave në kompletimin e sistemit të adresave në përputhje me legjislacionin në fuqi. Specialisti do të punojnë ngushtë me stafin përgjegjës të caktuar të AKK-së dhe komunave. Kjo punë është me orar të plotë dhe personi i përzgjedhur do të vendoset në hapësirat e AKK-së në Prishtinë me udhëtime të shpeshta në terren dhe komuna për të kryer digjitalizimin e të dhënave të adresave, mirëmbajtjen, sigurimin/kontrollin e cilësisë (SC/KC) të të dhënave të adresave, përfshirë rrugët, pikat e adresave, numërimi i pikave të adresave, tabelat e adresave, pikat e referencës si dhe ndërlidhjen me sistemet tjera.

*Detyrat dhe përgjegjësitë kryesore të Specialistit të GIS-it janë cekur në Termat e Referencës për këtë detyrë. TeR mund të gjendet në linkun e uebfaqes së AKK-së: <https://akk.rks-gov.net/sq/shpallje>*

## **Kualifikimet dhe përvoja e nevojshme**

- Diplomë universitare në gjeodezi ose fusha të ndërlidhura;
- Minimumi 2 vite përvojë pune në përdorimin e Sistemeve të Informacionit Gjeografik. Përvoja e punës me Sistemin Informativ të Regjistrimit të Adresave do të ishte një përparësi e shtuar;
- Njohuri dhe përvojë në përdorimin e softuerit kompjuterik të GIS-it (GeoMedia, ArcGIS, QGIS, apo të ngjashme);
- Njohuritë dhe përvoja me WebGIS do të ishte një përparësi e shtuar;
- Kërkohen aftësi të shkëlqyera në Microsoft Word, Excel dhe Power Point;
- Njohuritë, aftësitë dhe përvoja në projekte të financuara nga organizatat ndërkombëtare do të jenë një përparësi e shtuar;

## **Periudha e performancës**

Specialisti i GIS-it do të punojë me orar të plotë dhe kohëzgjatja e kontratës pritet të jetë në gusht të vitit 2024. Kohëzgjatja e kontratës do t'i nënshtrohet performancës së kënaqshme të rënë dakord gjatë vlerësimit zyrtar të planifikuar në fund të çdo viti. Paguesa do të kryhet në bazë të tarifës mujore të rënë dakord në kontratë. Konsulenti pritet të fillojë shërbimet me nënshkrimin e kontratës.

## **Procesi i përzgjedhjes**

Individët me përvojë dhe të kualifikuar do të përzgjidhen sipas dispozitave të Rregulloreve të Prokurimit të Bankës Botërore për Huamarrësit e Financimit të Projekteve Investuese (FPI), korrik 2016, bazuar në thirrjen e hapur.

### **Kriteret e vlerësimit:**

- Kualifikimi i përgjithshëm - 30 pikë
- Përvoja specifike në lidhje me detyrën – 70 pikë

Konsulentët individualë të interesuar mund të marrin informacione të mëtejshme në adresën e mëposhtme gjatë orarit të punës: 08:00 - 16:00 (nga e hëna në të premten)

Shprehja e interesit mund të dorëzohet në adresën e e-mailit të dhënë më poshtë deri më **08 shtator 2023** dhe duhet të përfshijë letrën motivuese, CV-në dhe dokumentet shoqëruese (diplomën/at, referencat, certifikatat, etj.)

### **Agjencia Kadastrale e Kosovës**

Për vëmendje të: Specialisti i Prokurimit, REGIP.

Adresa: rr. “Arbënor e Astrit Dehari” nr. 25, Objekti i Arkivit, kati 2,  
10 000, Republika e Kosovës

Email:

Për: [prokurimi.regip@rks-gov.net](mailto:prokurimi.regip@rks-gov.net)

Cc: [Muzafer.Qaka@rks-gov.net](mailto:Muzafer.Qaka@rks-gov.net)